



**ԱՄԵՆԱՅՆ ՀԱՅՈՑ ՀԱՅՐԱՊԵՏԻ ՑԱԿԱԿՑՈՒԹՅՈՒՆԸ  
ՄԵԾԱՆՈՒՆ ԲԱՆԱՍՏԵՂԾ ԱՎԵՏԻՔ ԻՍԱՀԱԿՅԱՆԻ  
ՄԱՀՎԱՆ ԱՌԹԻՎ**

Ամենայն Հայոց Մայր Աթոռ Ս. Էջմիածնից, վերջին ողջույն և օրհնությոն ամենայն հայոց բանաստեղծ Ավետիք Իսահակյանին, որ բաժանվելով մեր աշխարհից, անցնում է խաղաղ ու անվրդով կյանքի մյուս ափին։ Այս բաժանումը խոր վիշտ է բողնում բոլոր սրտերում, որ բարախում են Հայրենի երկրում և հայ Սփյուռքում։

Մեր ժողովուրդը կորցնում է իր մեծ զավակին, որ ավելի քան կես դար վառ պահեց ջանք մեր Ազգի ազնիվ հույզերի։

Հայ գրականությունը կորցնում է իր մեծատաղանդ Վարպետին, որ իր բովանդակ հոգին լույսի վերածած ընծա բերեց իր հարազատ ժողովրդին ու ամբողջ աշխարհին։

Կորցնում է նաև Մայր Աթոռը իր մեծ բարեկամին ու սիրեցյալ որդուն, որ մեր Ս. Էջմիածնի հազարամյա փառերի խորհուրդը սրտում, աղոթում էր վերածնված մեր Հայրենիքի կյանքի, արևի ու խաղաղ, ազատ վերելքի համար։

Վարպետը մեռավ։ Վարպետը-կապրի և պիտի ապրի հայ ժողովրդի հոգում ու կյանքում, բաշխվելով ամբողջապես մեզ բոլորիս և հետագա բոլոր սերունդներին։ Եվ նա կմնա միշտ մեզ հետ, կլինի միշտ մերը՝ իբրև ներշնչման աղբյուր, իբրև լուսաշող փարոս։

Տիրոջ ողորմությամբ հանգիստ իր հոգվույն, խաղաղություն և լույս, այժմ և հավիտյան։

**Վ. Ա. ԶԳԵՆ Ա.**

ԾԱՅՐԱԳՈՒՅՆ ՊԱՏՐԻԱՐԻ ԵՎ ԿԱԹՈՂԻԿՈՍ  
ԱՄԵՆԱՅՆ ՀԱՅՈՑ

Ս. ԷՋՄԻԱԾՆ

